



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

LXXIX. Abt Heinrich zu Hillersleben verkauft seinem Capitel eine Hebung
aus Evendorf, am 27. Februar 1444.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

LXXIX. Abt Heinrich zu Hillersleben verkauft seinem Capitel eine Hebung aus Ewendorf,
am 27. Februar 1444.

We hennyngus, van der gnade goddes abbet des closters to hildefleue, Bekennen apenbare in duffem breue vor vns vnde vnse nakomen, dat we met wolbedachten mode hebben vorkoft vnde vorkopen in kraft dusses breues den erlyken heren, vnfen capittel, dre scoock crutze krosschen jarliker gülde, de we hebben to Euendorpe an dren houen landes dar sulues vp deme velde, de nu to duffer tyd vnder deme ploge hebben dusse nagescreuen bure: Gheuert tegeder vif ferndel landes, dar he van gyfft vif mandel groschen, Jurgen hans papen eyn verndel, dar he van gyft eyne mandel, Bartelt bardeleue eyne halue houe, dar he van gyfft eyn half scoock, Ffricke tegeder van des godehufes wegen dar sulues eyne halue houe, dar he van gyfft eyn half scoock, Hennyngh dolman eyne halue houe, dar he van gift eyn half scoock. Hyrvor heft vns vnse Capittel vornöghet vnde betalt dryttich gude rynsche gulden, de ome geuen weren vmme goddeswilen vnde we hebben de suluen dryttich rynsche gude gulden ghekart in vnfes closters genud vnde behuff, also dat we dar mede betalt hebben hanse strobeke, wanaftich to wolmirstede, dem se vnser closter pentlyken schuldig was. Vor dusse vorbenomeden dre scoock crutze grosschen scal vnse capittel vnde wil to der weken twe missen holden, Eyne van vnser leuen frouwen, de ander pro defunctis; de erste Collecta scal heyten: Propiciare domine animabus famulorum famularumque tuarum vnde denne vor, alze syk de collecte behoret to lesen in plurali, dusse twe missen scal eyn jewelk prester holden, also fro, also syne weke ute is, also he erste kan, vnde welk prester se vorümet, dat scal de prior straffen. Dussen tyns scullen alle iare upnemen vnse capittels heren, des we ore rechten were syn schullen vnde willen, vnde setten se met dussen breue in eyne rowelike hebbende were. Vortmer weret, dat one brock worde an dussen vorsecreuen tynse, so schullen se den tyns manen vnde upnemen, den we dar hebben vnbekummert. Worde one dar vort brock ane, so wil we one edder vnse nakomen dat geuen vt vnfes closters redesten guderen, wur we sy hebben. Ok so hebbe we de fruntschap vnde macht myt one beholden, dat we edder vnse nakomen dusse vorsecreuen dre scoock crutze grosschen mogen wedderkopen, welkes jares we willen edder kunen to vnser Ebdye edder der twe scoock edder eyn scoock van one edder oren nakomen vor dryttich rynsche gude gulden, edder vor also fele gulden, alze syk vor twe scoock behoret, edder vor eyn scoock, vnde wan we dat don willen, dat scole we one edder vnse nakomen vorkundigen vp funte bartolomeus daghe, vnde dar na up funte martinus daghe betalen myt deme bedagheden tynse, vnde icht des wat in var tyden na stellich ghebleuen were, an eyner summen wol to danke geuen vnde betalen in vnsem closter to hildefleue vngehendert vnde vnbekummert. Wan de betalingk also geschen is to der noghe; so scal dusse breff machteloos sin. Alle dusse vorsecreuen stücke loue we vorgnanthe hennyngus, Abbet, var vns vnde vnse nakomen vnfen Capittels heren vnde oren nakomen stede vnde vaste to holdene, vnde neynerleyge sake hyrto bruken, de one scaden mochte. Des to orkunde vnde tuchnisse, so hebbe we wyttlyken vnser ebdie Ingezegel laten hengen an dussen bryff, de ghegeuen is na der bort Cristi vyrtweyhundert jare, dar na in deme vyre vnde vyrtigsten, des mandages na funte mathias daghe, des hylgen apostels.